



UMSÖGN

Viðtakandi: Íbúaráð Grafarvogs

Sendandi: Mannréttinda- og ofbeldisvarnarráð

Tillaga íbúaráðs Grafarvogs um aukið aðgengi að fundum íbúaráða

Á fundi íbúaráðs Grafarvogs þann 11. maí 2022 var lögð fram svohljóðandi tillaga, sbr. 2. lið fundargerðar ráðsins:

Lagt er til að þegar ný íbúaráð verða skipuð að allir fundir verði sendir út í streymi líkt og nú er gert ásamt því að íbúum verði gert kleift að mæta og taka þátt í umræðum sem fram fara á fundunum. Það skapar mun meira íbúalýðræði að hafa fundina opna íbúum og fá þá til þess að taka þátt í þeim málefnum sem þar eru rædd. Einnig er lagt til að dagskrá funda íbúaráðsins verði auglýstir á vefmiðlum og prentmiðli hverfisins, Grafarvogsblaðið.

Tillögunni var vísað til umsagnar mannréttinda- nýsköpunar- og lýðræðisráðs með bréfi mannréttinda- og lýðræðisskrifstofu þann 12. maí 2022. Tillagan ásamt meðfylgjandi umsögn er lögð fram á vettvangi mannréttinda- og ofbeldisvarnarráðs sem hefur tekið við hlutverki mannréttinda-, nýsköpunar- og lýðræðisráðs í kjölfar sveitastjórnarkosninga þann 14. maí 2022.

Umsögn mannréttinda- og ofbeldisvarnarráðs:

Í tillögum stýrihóps um innleiðingu íbúaráða eru efnisatriði umræddrar tillögu íbúaráðs Grafarvogs ávörpuð. Varðandi fyrirkomulag funda, þ.e. hvort þeir séu staðfundir eða fjarfundir þá gerir 6.gr. í tillögum stýrihópsins ráð fyrir að íbúaráðsfundir verði að jafnaði bæði stað- og fjarfundir sem haldnir verða úti í hverfunum.

Íbúaráð Grafarvogs leggur einnig til að dagskrá funda þess verði auglýstir með tilteknum hætti. Í tillögum stýrihóps er lagt til að hefja kynningarátak til að auka sýnileika íbúaráða gagnvart borgarbúum.

Borgarráð samþykkti tillögur stýrihóps um innleiðingu íbúaráða á fundi sínum þann 10. febrúar 2022. Undirbúningur fyrirkomulags íbúaráðsfunda og undirbúningur vegna kynningarátaks til að auka sýnileika íbúaráða er þegar hafin á mannréttinda- og lýðræðisskrifstofu, þjónustu- og nýsköpunarsviði og skrifstofu borgarstjóra og borgaritarar.

Í ljósi ofangreinds er mælt með að tillögunni sé vísað frá.